



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitvlaria Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

5. Excusatio Remensium, qui electionem ante Visitatoris adventum fecisse dicebantur.

urn:nbn:de:hbz:466:1-22974

denique volo quia si personam à sacris canonibus deviam scienter nobis adduxeritis, non solum ex ea Pontificem non habebitis, verum etiam pro illicita electione, ut contemptores canonum, iudicium incurretis. Sed & nostro ac cœpiscoporum nostrorum iudicio refutata rationabiliter electione vestra incongrua, talem secundum Laodicenses canones studebimus eligere qui vestris vitiosis voluntatibus non valeat consentire: quia sicut bene petentibus dicit Dominus, *Petite & accipietis*, ita & per Apostolum malè petentes redarguit dicens: *Petitis & non accipitis, eò quòd malè petatis*. Petite fratres, at ut vobis pastorem secundum cor suum tribuat. In cuius electione si non plus temporalia quam spiritualia commoda studueritis attendere, gratiam suæ electionis electioni vestræ bonorum operum & piorum studiorum auctor & cooperatores studebit accommodare, qui non sicut homo tantum

Marth. 7.

Iac. 4.

1. Reg. 16.

ADMONITIO SIRMONDII.

Huic similis altera in codice Tiliano legitur Herivei archiepiscopi ad eosdem Bellovacenses, de eligendo Episcopo post obitum Erluini.

Excusatio Remensium, qui ante Visitatoris adventum Episcopum, post Hinemari mortem, elegerunt, ad Hildeboldum Suesonensem & ceteros provincie Remensis Episcopos.

V. Sanctissimo & reverentissimo patri Domno Hildeboldo venerabili Episcopo, unà cum ceteris Episcopis hujus sanctæ sedis metropolis Ecclesiæ, Canonici & monachi & etiam quidam laici sanctæ sedis Remensis Ecclesiæ, quorum nomina subter adscripta patebunt, præsentem felicitatem æternamque beatitudinem. Noverit paternitas vestra ad exiuitatem nostram pervenisse quosdam, qui, sicut ait Apostolus, in hac parte ex nobis exierunt, sed non erant ex nobis, vobis nuper & Domno Hugoni Abbati & Angeluvino venerabili Episcopo & aliis quibusque de parte nostra generale mandatum pertulisse, videlicet à majori usque ad minimum omnes electione facta, contra omnem constitutionem canonicam, antequam Visitator ad nos perventus sit, consensisse, & nomine tenus quendam designasse, & hanc falsitatem usque ad regias aures jam pervenisse. Quod nos non tam præsumptiosè & ut apertius dicamus,

Ioan. 1.

stolidè ullo modo egisse quæsumus vos primum scire, ac per vos & præfatum Dominum Abbatem vel Episcopum Angeluvinum ceterosque omnes ad quos hæc pravitatis divulgari potuit, certos reddere flagitamus; & sicut hætenus abstinuit ab ullius certæ personæ electione, ita deinceps, donec pietas divina & regia clementia nobis concefferit Visitatorem, abstinere pro certo noveritis. Vnde & uno parique consensu unum è nobis non minus fidum quam fidelem fratrem nostrum nomine Guntramnum venerabilem monachum & sacerdotem atque Præpositum cœnobij Altvillarensis cum his pariter apicibus vobis direximus, qui viva voce ea etiam quæ hic longum fuit inferere verbis per singula manifestet. Et hæc sunt nomina eorum qui hujus excusationis & præfatæ culpationis uno consensu ad vos hæc dirigunt. Valeat sancta paternitas vestra ad vota nostra semper in Domino. Data Nonis Februarij.

Nomina Canonicoꝝ de congregatione sancte Mariæ. Framerus Presbyter atque Vicedominus S. Teuto Presbyter atque Præpositus S. Odelhardus Archipresbyter pro se & ad vicem Hildradi Archipresbyteri S. Otbertus Decanus S. Rodoardus Presbyter S. Sichelmus indignus Presbyter S. Seulfus Presbyter S. Teudericus Presbyter S. Rothardus Presbyter S. Callestus Presbyter S. Walthadus Presbyter S. Hardierus Presbyter S. Romoldus Presbyter S. Guntbertus Presbyter S. Rodolus Presbyter S. Samuhel Presbyter S. Heirbrannus Diaconus S. Erchamueus Diaconus S.

Monachi de sancto Remigio. Tetboldus Presbyter atque Præpositus S. Rotfridus major monachus S. Boso Presbyter & monachus S. Rotgerus Presbyter & monachus S. Rotfridus minor & Presbyter S. Flodouvinus Presbyter & monachus S. Beroldus Presbyter & monachus S. Guntherus Diaconus & monachus S. Bernerus Diaconus & monachus S.

Canonici de sancto Basilo. Ramigilus Presbyter S. Amalricus Presbyter S. Vuaningus Diaconus S.

Canonici de sancto Theodorico. Erloldus Presbyter S. Odelbertus Presbyter S. Engericus Diaconus S. Tetherus Diaconus S. Waltharius Diaconus S. Agenardus Diaconus S.

Monachi de Orbatis. Rambradus Præpositus S. Heirmardus Decanus S. Lantherus

Diaconus S. Dodoardus Diaconus S. Sifridus Diaconus S.

Vasalli. † Liudo. † Odalricus. † Fidentius. † Gibuinus. † Rotmarus. † Vto. † Geroldus. † Gislemarus. † Sidrach. † Allo. † Hadericus. † Rodulfus. † Hagano. † Rumbertus. † Vuido. † Adroldus. † Gerardus. † Framericus. † Rothardus. † item Hadericus. † Berno. † Magembodus. † Brunerus. † Nodilo. † Amalraus. † Amalbertus. † Agbertus. † Gerbertus.

ADMONITIO SIRDORUM. *Haec tenet excusatio Remensium ex veteri codice sancti Laurentii Leodicensis, ubi inscribitur: Consensus Canonorum & monachorum Remensis Ecclesiae de electione Domni Fulconis, qui Hinemaro successit.*

Allocutio Missorum Imperatoris Ludovici Pij ad clerum & plebem electionis causa congregatam.

VI. Adnuntiamus vobis, dilectissimi fratres, quatenus divina inspiratione admonitus Dominus clementissimus & Imperator Christianissimus Hludovicus unquamque rem quae vicio aliquo depravata fuerat ad suum jus & ad rectitudinis tenorem nititur revocare. Et maxime de his quae ad Dei Ecclesias pertinent curam gerit, ut suos omni modo habeant honores, & ut rectores earum apti sint ea praevidere quae eis commissa sunt. Notum sit omnibus suis fidelibus, qui in ista parochia consistunt, ideo nos huc missos fuisse ut concessam ab eo potestatem inter vos eligendi sacerdotem adnuntiarem: quia multum ei vestra fatigatio abhorret, quod tandiu absque pastore & rectore erratis. Quamobrem imperialis clementia atque prudentia talem virum a Deo electum & omnibus probatum eligere sanxit qui ad utilitatem omnium in sancta Dei Ecclesia proficiat. Et universa vestrae sanctitati enumerare iussit, quibus virtutibus & moribus ornatus, quibusque vitiis & reprehensionibus innotabilis existere debeat qui ad talem honorem desiderat pervenire, cujus optime beatus Paulus Apostolus vitam morisque disertiens in epistola quam scripsit ad Timotheum. Dicit enim: *Si quis episcopatum desiderat, usque ne incidat in laqueum diaboli.* Item ad Titum de eadem re scribens ait: *Huius rei gratia relinqui te Cretae, usque & contradicentes resistere.* Adportetur liber, & praesentibus vobis istae sententiae legantur. Volumus ut etiam canones coram vobis legantur, in quibus praecipua nostrae vitae continentur, ut in

illis potius discamus quales ad tale ministerium promoveri conveniant. Ideo revera & sententias Apostoli & capitula canonum legi praecipimus, ne quis ignorationis causa se possit tueri, si de electione fuerit jure correptus. De canone Apostolorum c. xvii. & xviii. & xxx. & xxxvii. legatur. Item de canone Antiocheni [Concilij] c. xix. Item de canone Laodicensium cap. xii. & cap. xiii. Item de canone Chalcedonensi cap. ii. & cap. iv. Item de canone Sardicensis Concilij cap. ii. & cap. v. Item de canone Africani Concilij cap. xvii. Item de canone Hipponensis Concilij cap. xvii. & cap. lvi. Item de decretis Papae Siricij cap. viii. & cap. ix. & xiv. Item in decretis Zosimi cap. i. Item in decretis Innocentij cap. *. Item in decretis Gelasij cap. xxiv. Item in decretis Celestini cap. xviii. & xx. Item in decretis Leonis Papae cap. xxxiii. & cap. xxxv. & cap. xlix.

Meminisse vos decet, o Dei Sacerdotes, propositi & ordinationis vestrae, qui gubernacula tenetis animarum, & positi estis columnae in Ecclesia Dei ad sustentandos infirmos, ad confortandos imbecilles, ad consolandos pusillanimes. Vobis cura pauperum commissa est, vestro ore corpus Christi conficitur, per impositionem manuum vestrarum a laqueis diaboli homines liberantur. Cavete ne ab adversario decipi amini, ut concessa potestas eligendi in majus vos ponat periculum. Bene nostis, fratres, quod periculum vobis dicimus. Id est, ne quis per adulationem, aut per timorem, aut per praemium, aut per aliquam talem amicitiam quam nonnulli inter se homines dando & remunerando habere solent, sed is qui dignus & omnibus amabilis, & moribus bonis, & sanctae conversationis existens, ad istam sanctam & venerabilem sedem Pontifex eligatur. Mementote quemadmodum de imperitis vel falsis pastoribus Salvator loquitur dicens: *Quod si caecus caecum duxerit, nome ambo in foveam cadent.* Non dominum eligite, sed sacerdotem; non tyrannum, sed Episcopum: non qui praeesse, sed prodesse velit; non eum cui dominari magis quam consulere subditis placet. Huc usque Sacerdotibus loquimur, de quibus Dominus dicit: *Sancti estote, quoniam ego sanctus sum.* Nunc ad ceteros Clericos veniamus, qui cum humilitate & patientia expectant donec ad altiorem promoveantur gradum,

P p iij

Matth. 15.

Levit. 11.